



Broj: 01-49-240/20-4
Datum: 10.4.2020. godine

Na osnovu člana 64. stav 1. tačka b), člana 70. stav 1., 3. i 6. Zakona o javnim nabavkama BiH („Službeni glasnik BiH“, broj 39/14), člana 39. Statuta Općine Travnik („Službene novine Općine Travnik“, broj 11/05 - Prečišćeni tekst), a u vezi s preporukom Komisije za javne nabavke broj: 01-49-240/19-3 od 2.4.2020. godine, načelnik Općine Travnik, **d o n o s i**

R J E Š E N J E

o izboru najpovoljnijeg ponuđača za dodjelu okvirnog sporazuma putem konkurentskog zahtjeva za dostavljanje ponuda

1. U konkurentskom zahtjevu nabavke usluga, kojim je predviđeno zaključivanje okvirnog sporazuma za javnu nabavku radova - „Radovi na rušenju i uklanjanju objekata i građevina po inspekcijskom rješenju“, bez podjele na lotove, objavljene na Portalu javnih nabavki pod brojem: 54-7-3-46-3-26/20 od dana 17.3.2020. godine, prihvata se preporuka Komisije iz zapisnika o ocjeni ponuda - broj 01-49-240/20-3 od 2.4.2020. godine, te se Okvirni sporazum dodjeljuje ponuđaču „Dinalsa“ d.o.o. Sarajevo čija ukupna vrijednost ponude bez uračunatog PDV-a iznosi 21.560,00 KM.
2. Po okončanju roka za žalbu ugovorni organ će sa izabranim ponuđačem zaključiti Okvirni sporazum o nabavci usluga na period trajanja od 1 (jedne) godine, kojim će regulisati međusobna prava i obaveze vezano za predmetnu javnu nabavku, shodno uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.
3. Nakon sklapanja okvirnog sporazuma sa pomenutim ponuđačem će se zaključivati pojedinačni ugovori, koji će se realizovati prema jediničnim cijenama datim u ponudi izabranog najpovoljnijeg ponuđača, umanjnim za postotak postignut na e – aukciji.
4. Izabrani ponuđač je dužan u roku od 5 (pet) dana od dana zaprimanja ovog Rješenja, na adresu Općine Travnik, Konatur bb 72270 Travnik, dostaviti originale ili ovjerene kopije dokaza traženih tenderskom dokumentacijom ne starije od 3 (tri) mjeseca od dana predaje ponude, u skladu sa Izjavom ponuđača, s tim da datum izdavanja dokumenata ne smije biti nakon datuma podnošenja ponude.
5. Za izvršenje ovog Rješenja i praćenje realizacije okvirnog sporazuma/ugovora zadužuje se Služba za inspekcijski nadzor.
6. Ovo Rješenje objavit će se na web-stranici Općine Travnik, istovremeno sa upućivanjem ponuđačima koji su učestvovali u postupku javne nabavke, shodno članu 70. stav 6. Zakona o javnim nabavkama.
7. Ovo Rješenje stupa na snagu danom donošenja i dostavlja se ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama, zajedno sa Zapisnikom o ocjeni ponuda u skladu sa članom 65. stav (2) Zakona o javnim nabavkama.

O b r a z l o ž e n j e

Postupak javne nabavke radova – „Radovi na rušenju i uklanjanju objekata i građevina po inspekcijskom rješenju“, bez podjele na lotove pokrenut je Rješenjem o pokretanju postupka javne nabavke broj 01-49-240/20 od 16.3.2020. godine. Javna nabavka je provedena putem konkurentskog zahtjeva.

Postupak je objavljen u Informacionom sistemu „E-nabavke“ Agencije za javne nabavke BiH, broj obavještenja: 54-7-3-46-3-26/20 od 17.3.2020. godine. Procijenjena vrijednost javne nabavke (okvirnog sporazuma) iznosi 25.641,00 KM bez PDV-a.

Rok za dostavljanje ponuda u skladu sa tenderskom dokumentacijom bio je 1.4.2020. godine do 11:00 sati.

Komisija za javnu nabavku imenovana je Rješenjem broj: 01-34-16-34-16-93-1/20 od 5.2.2020. godine te je shodno članu 63. Zakona o javnim nabavkama BiH, izvršila javno otvaranje u roku dostavljenih ponuda. Otvaranju ponuda nisu prisustvovali ovlašteni predstavnici ponuđača, a Zapisnik o otvaranju ponuda ponuđačima je prosljeđen putem faksa u zakonskom roku.

Komisija je izvršila analizu dokumentacije priložene uz ponude u smislu propisane forme, suštinske provjere sadržaja i njihove validnosti obzirom na iskazane zahtjeve ugovornog organa u tenderskoj dokumentaciji, odnosno izvršila ocjenu ponuda u skladu s procedurama i pravilima utvrđenim tenderskom dokumentacijom, Zakonom o javnim nabavkama, pripadajućim podzakonskim aktima i internim aktima ugovornog organa, o čemu je sačinila odgovarajući zapisnik u kojem je utvrđeno sljedeće:

- Da su ukupno prispjele 2 (dvije) ponude;
- Da su blagovremeno zaprimljene 2 (dvije) ponude,
- Da je ponuda ponuđača: „Dinalsa“ d.o.o. Sarajevo prihvatljiva.
- Ponuda ponuđača JKP Bašbunar Travnik je ocijenjena kao neprihvatljiva iz sljedećih razloga:

Prilikom javnog otvaranja ponuda, na osnovu uslova iz tenderske dokumentacije vezanih za oblik, sadržaj i potpunost ponude, ustanovljeno je da ponuda ponuđača JKP „Bašbunar“ Travnik nije sačinjena u skladu sa odredbama „Uputstva za pripremu modela tenderske dokumentacije i ponuda („Službeni glasnik BiH broj 90/14“) i zahtjevima datim u tenderskoj dokumentaciji. Naime, pomenuti ponuđač je dostavio neuvezanu ponudu, te se ponuda u skladu sa članom 68. Stav (4) podtačka i) Zakona o javnim nabavkama BiH („Službeni glasnik broj 39/14“) odbacuje kao neprihvatljiva.

Obzirom na to da je ugovorni organ u tenderskoj dokumentaciji i Obavještenju o nabavci predvidio primjenu e- aukcije, u skladu sa članom 4. stav (2) Pravilnika, E – aukcija nije održana jer je primljena samo jedna prihvatljiva ponuda a sve u skladu sa Članom 3. stav (3) Pravilnika o uslovima i načinu korištenja e-aukcije („Službeni glasnik BiH“, broj 66/16) propisano je da, u slučaju prijema jedne prihvatljive ponude, e-aukcija se ne može održati, već se postupak nabavke okončava u skladu sa članom 69. Zakona.

Rangiranje prihvatljivih ponuda prema kriteriju za izbor (najniža cijena):

Radovi na rušenju i uklanjanju objekata i građevina po inspekcijskom rješenju

R/br	NAZIV PONUĐAČA	Ukupna cijena bez PDV- a	Popust %	Ukupna cijena sa PDV- om	Rang
1.	Dinalsa d.o.o. Sarajevo	21.560,00 KM	0 %	25.225,20 KM	1

Komisija za javne nabavke Općine Travnik dostavila je dana 3.4.2020. godine općinskom načelniku Zapisnik o radu Komisije i ocjeni ponuda koji je ujedno i izvještaj o radu Komisije sa preporukom o izboru najpovoljnijeg ponuđača za predmetnu javnu nabavku.

U istom je navedeno da je pregledana i analizirana dokumentacija priložena uz ponude ponuđača u smislu provjere njene validnosti, obzirom na iskazane kvalifikacione zahtjeve ugovornog organa u tenderskoj dokumentaciji putem konkurentskog zahtjeva za dostavljanje ponuda. Uvidom u priloženu dokumentaciju, Komisija za ovu javnu nabavku, utvrdila je da ponuda ponuđača „Dinalsa“ d.o.o. Sarajevo ispunjava minimum uslova, odnosno zahtjeva ugovornog organa koje je isti zahtijevao u Tenderskoj dokumentaciji.

Komisija je predložila ugovornom organu da u skladu sa članom 69. stav (1) alineja pod a) i člana 70. stav (1) Zakona o javnim nabavkama BiH, postupak javne nabavke radova: „ Radovi na rušenju i uklanjanju objekata i građevina po inspekcijskom rješenju“, bez podjele na lotove, okonča zaključivanjem okvirnog sporazuma sa najpovoljnijim kvalifikovanim ponuđačem „Dinalsa“ d.o.o. Sarajevo.

Tokom donošenja ovog rješenja posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, te ocjenu prispjelih ponuda shodno kriterijima iz Tenderske dokumentacije.

U postupku ocjene provedenog postupka načelnik Općine nije našao nepravilnosti ili propuste u radu, koji bi eventualno bili razlog za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila te je izbor najpovoljnijeg ponuđača izvršen u skladu sa Zakonom o javnim nabavkama BiH, podzakonskim aktima, internim aktima i tenderskom dokumentacijom.

Izabrani ponuđač „Dinalsa“ d.o.o. Sarajevo je izabran primjenom kriterija najniže cijene koja je ponuđena u iznosu od 21.560,00 KM bez PDV-a.

POUKA O PRAVNOM LIJEKU:

Protiv ovog Rješenja može se izjaviti žalba Uredu za razmatranje žalbi BiH putem Ugovornog organa, u pisanoj formi, najkasnije u roku od 5 (pet) dana od prijema istog. Naknada za žalbu je propisana članom 108. Zakona o javnim nabavkama. Žalba se podnosi u dovoljnom broju primjeraka, koji ne može biti manji od tri.

DOSTAVITI:

1. Ponuđačima,
2. Arhiva.

